



LEG. XXXVV. id est, ut GRUTERO placet, Legio XXX. Valens Victrix. Legitur quippe in marmore ad vicum KORNESD in TRANSYLVANIA, Ulpiae proximum, pone facellum: Leg. XXX. VAL. VICT. vide JANUM GRUTERUM pag. 399. N. 6. Sed quid? si STEPHANUS ZAMOSCIUS, ex quo GRUTERUS habet, pro VL. VICT. Legisset VAL. VICT.? Legionem enim tricesimam Ulpiam dictam ex eodem GRUTERO constat, & locus, ubi marmor exstat, congruit.

C A P U T II.

De dignitate Urbis VINDOBONÆ.

VINDOBONAM Municipium Romanum fuisse lapides loquuntur; primus VIENNÆ Anno 1544. repertus, sic habet:

DEOR. PROSP.
ERITATI G. MA
— — C MARTIAN
VS DEC. MVN.
VINDO. VATES
AEDIL. II. VIR. I —
PRAEF. CO — — —
FABI. V. S. L. L. M.

Ex



Ex sensu ABERMANNI sic legenda Inscriptio:
*Deorum Prosperitati, Genio Martiani C. Martianus
 Decurio Municipii Vindobonensis, Vates, Ædilis, Duum-
 vir, & Præfectus Cohortis Fabianæ, Votum solvit Li-
 bens, Lubens, Merito.*

Inscriptionem hanc in Domo Doctoris WOLFFGAN-
 GI LAZII muro olim insertam, refert LAZIUS ipse,
 LAMBECIUS, & GRUTERUS, qui eam a CAROLO CLU-
 SIO ibidem descriptam accepit.

Lapidem alterum in LANZENDORFF prope VIEN-
 NAM repertum recenset FRANCISCUS CACCIA Ord.
 S. Francisci, cænobii illius Moderator, & in libro de
 Matre dolorosa pag. 8. sic exhibet:

FABIANA COHORS
 VINDOBON.
 MVN.

Lege: *Fabiana Cohors Vindobonensis Municipii*, non
 vero; *Fabiana Cohors Vindobonam munivit*, ut vult P.
 CACCIA.

Quamvis hunc in lapidem frustra ibidem inquise-
 rim, nescio tamen, cur Viro, cæteroquin Celeberrimo,
 hujus inscriptionis causa, quæ nihil ad ejus rem facit,
 fides deroganda sit; ut ut eam sequius interpretetur.

Certe ante FRANC. CACCIAM WOLFFG. WILHELM.
 PRAMERUS in sua VIENNÆ *descriptione* asserit anno
 1545. tum VIENNÆ, tum ad S. PETRONILLÆ plu-
 res



res lapides inventos cum dicta epigraphe: FABIANA CO-
HORS VINDOBON. MUN.

Subinde GRATIANI, vel HONORII saltem, & THEO-
DOSII Junioris tempore, lapso CARNUNTO VINDO-
BONA Classiariæ Urbis honorem indepta est circa
annum Christi 427. Ita testatur *Notitia dignitatum Im-
perii* apud LABBEUM Sect. 58. *Præfectus Classis Histri-
cæ Carnunto, sive Vindomanæ a Carnunto translata.*

C A P U T III.

De Nomine Urbis Viennensis.

Urbem hanc non ab HENETIS, seu VENETIS, ut
FUHRMANNO placet; sed a VINDIS, seu antiquis VE-
NEDIS, hac transeuntibus, & aliquanto tempore sedem
isthic figentibus, VINDOBONAM, vel VENDO-
BONAM dictam esse recte docet CALLESIUS Ann. Bab.
P.I. p. 39. complures siquidem VINDOS, ante ulti-
mos Slavicæ Gentis per has terras sparfos fuisse liquet
ex vocabulis priscae ætatis: VINDELICIA, VINDONISSA
VINDOMAGI, VENDI, VENDUM, AVENDONE, VEN-
NONES &c.

Notit. Vindob.

B

An-